

*Regio & unde
dicta.*

Situs.

*Cæli qualitas.
Soli fertilitas.*

*Animalium va-
rietas.*

*Imperium majo-
rum.*

Westphalia, quæ in Methodo nostra sequitur, unde nomen accepit, opiniones variant. Nonnulli eam a Vesta Dea sic dictam arbitrantur, quasi *Vestaliæ*: quod ea hic olim fuerit cula. *Vestphalos* ergo quasi Vestalios dictos esse volunt: Malunt tamen alii a vento Occidentali sic dictum credere: qui enim inquit ultra Visurgim fluvium Orientale plagam occupant, *Ostwaldi* Saxones cognominantur, ab *Ost* vento Orientali, & *Valē*, quod lingua Saxonica pullū equinum significat, quem in militaribus signis habuerunt. Etas id nominis abolevit in Orientalibus, & generalis illa Saxoniz appellatio permansit. Sic *VVestphali*, qui cis Visurgim versus Occasum habitant, ab *VVest* Occiduo vento, nuncupantur. Alij denique a campo id est *Veldt* potius quam *Valen*, *VVestphalos* dictos arbitrantur. Ea hodie ab Ortu habet Visurgim, ad Meridiem Hassie Montes, quos Ptolemæus Obnobios vocat: ad Occidentem Rhenus est: ad Septentrionē Frisiam, Hollandiam, Traiectensem ac Trans-Isalanum tractum respicit. Aër est durus quidem frigidusque, at salubris. Regio satis est frugifera, sed earum rerum, quæ magis alendis gregibus quam hominibus conducunt. Arborum fructus generat varios, ut sunt Poma & Noces, ite elandes quibus saginantur Porci. Fertiliior est circa Susatum & Hammonam: fertilissima ad Paderbornam & Lippiam. Ad Amisim vero quibusdam locis deserta, Compascua est Monasteriensis Diocesis, ite is tractus qui alicubi Visurgim fluvium respicit. Nemorosa est per totam surlandiam, & Bergensem Comitatum: Metallis non caret in ditione Colonienſi & Comitatu Marchico: Salinarum etiam fecunditate alibi regio commendatur, Animalium domesticorum numerosissimos alit greges, & potissimum Porcorum quibus abundat, qui Principum mensis ob pernas delicatiores expetuntur. Ferarum quoque in Silvis affatim habet. *VVestphalos Carolus Magnus* cognomine, primus devictus & Christiana Religione imbui iussit. Episcopatus instituit, Monasteriense, Osnaburgensem, Paderbornensem & Mindensem. Quis vero post Carolum Magnum rerū status per *VVestphaliæ*, quis rerum summæ præfuerit, an tota Pontificibus paruerit, non reperitur in Annalibus. Equidem in Orientali Saxonia erant seculares Domini, qui rerum tenebant gubernacula: primo quidem reges de stirpe Caroli Magni, sub quibus tamē Duces Saxoniæ de genere *VWedekindi* paullatim magis atq; magis increverunt usque ad Henricum primum Regem Romanorū, a quo tres per ordinē *Ottones*, deinde etiam marchiones Saxoniæ nati ex Henrico Duce Bavariz Fratre primi *Ottonis*. *VVestphalia* vero quæ est Occidua Saxonia, quos habuerit Principes seculares illa tempestate rem cū Episcopis administrantes, omnino non legimus. Sequenti tamen ætate *Henricus Dux* Lotharingæ & ante eum Avus illius *Luderus* Dux Saxoniæ inde Imperator, *VVestphaliæ* tenuisse leguntur. Nam ab eodem Henrico cum destitueretur per sententiam Imperatoris *Friderici I*, Ducatus *VVestphaliæ* titulū sibi Archiepiscopus Colonienſis vendicabat, tenentque eundem Duces Saxoniæ Inferioris de genere Comitū de Anhalt. Tenet & jam dictus Episcopus bonā partem ejus regionis, maxime Angriam; cui nunc *VVestphali* parent, suisque Nobilibus, quorum fere Mancipia sunt, ac jugum durissimum sufferunt. Sedes hic olim habuerunt suas